

# QISHLOQ HAYOTI

№ 14 (9125)-son

Ўзбекистон Республикаси  
ijtimoiy-iqtisodiy gazetasi  
1974-yil 1-yanvardan  
chiqa boshlagan

## ҚИШЛОҚ ВА МАҲАЛЛАЛАРНИ ОБОД ҚИЛИШ БЎЙИЧА ИШЛАР БЕЛГИЛАБ ОЛИНДИ

Ўзбекистон Президенти Шавкат Мирзиёев раислигида 24 март куни “Обод қишлоқ” ва “Обод маҳалла” дастурлари доирасида жорий йилда амалга ошириладиган ишлар муҳокамаси юзасидан видеоселектор йиғилиши ўтказилди.

Маълумки, давлатимиз раҳбарининг 2018 йилдаги фармонлари билан “Обод қишлоқ” ва “Обод маҳалла” дастурлари қабул қилинган эди. Ушбу дастурлар доирасида 5 миллионга яқин юрtdошимиз яшайдиган 1 минг 200 та маҳалла ва қишлоқдаги шароитлар яхшиланди. Лекин ўтган йили коронавирус пандемияси туфайли бу борадаги ишлар вақтинча тўхтатилган эди.

Бугунги кунда юртимизда шароити оғир бўлган 796 та қишлоқ ва шаҳарларда 188 та маҳалла мавжуд. 4 мингдан зиёд маҳалланинг электр таъминоти қониқарсиз аҳволда.

Қишлоқларга инфратузилма борсагина ҳаёт сифати ўзгаради, тадбиркорлик ривожланади. Шу сабабли, бу йил “Обод қишлоқ” ва “Обод маҳалла” дастурлари янги ёндашувлар асосида шакллантирилди. Аҳоли талабларидан келиб чиқиб, 206 та туман ва шаҳар ҳокимлари, йўл, электр таъминоти, коммунал хизмат ва тадбиркорликка

масъул раҳбарлар билан бирма-бир гаплашиб, 8 мингта маҳаллада бажарилиши лозим бўлган ишлар белгилаб олинди. Бунда, ободончилик билан бир қаторда иш ўринлари ташкил этиш, аҳолини камбағалликдан чиқариш масалалари ҳам кўзда тутилган.

Йиғилишда шу борадаги амалий ишлар муҳокама қилинди. Бу йил мазкур дастурлар доирасидаги ишларга жами 21 триллион сўм йўналтирилиши қайд этилди.

– Оғир инқироздан чиққан йилмиз, ташқи қарз жалб этмасдан, шунча маблағ ажратаямиз. Бунақа имконият Ўзбекистон тарихида бўлмаган. Лекин бу пулни лойиҳа билан, ҳалол-поқ ишлатиб, элга муносиб шароит яратиш керак, – деди Президент.

Таъкидланганидек, бундан буён “Обод қишлоқ” ва “Обод маҳалла” дастурларига қайси маҳалла ёки қишлоқ киришини маҳаллий кенгашлар белгилайди. Туман ва шаҳар ҳокимининг

иқтисод, қурилиш ва маҳалла масалалари бўйича ўринбосарлари зарур маблағлар ва амалга ошириладиган ишларни аниқ ҳисоб-китоб қилиб, маҳалла раиси билан бирга, ҳудудий кенгашларда ҳимоя қилади.

Маҳаллий кенгашлар ҳар бир маҳалла кесимида ижтимоий соҳа, ичимлик суви, йўл-транспорт ва инфратузилма объектлари манзилли дастурини тасдиқлайди. Қурилиш вазирлиги ҳокимликлар билан бирга уларнинг лойиҳа-смета ҳужжатларини ишлаб чиқишга масъул бўлади.

Шу тартиб асосида, жорий йилги дастурга киритиладиган маҳалла ва қишлоқлар, уларда тадбиркорликни ривожлантиришга оид масалалар ўтган ҳафтада барча туман ва шаҳар кенгашларида белгилаб олинди.

Йиғилишда Вазирлар Маҳкамаси ва вилоят ҳокимликларига ўн кун муддатда дастурга киритилган барча қишлоқ ва маҳаллаларда қурилиш ишларини

бошлаш вазифаси қўйилди.

Ижтимоий-иқтисодий аҳоли оғир 325 та қишлоқ ва 71 та маҳаллани комплекс ривожлантириш масалаларига алоҳида тўхталиб ўтилди. Уларда ичимлик суви ва электр тармоқлари, ички йўллар, ижтимоий объектлар қуриш ҳамда таъмирлаш учун 3 триллион 300 миллиард сўм ажратилиши белгиланди.

Шунингдек, 2 минг 721 та маҳалладаги 10 минг километрдан ортиқ ички йўлларни таъмирлашга 2 триллион сўм, 500 та маҳаллага 4 минг километрдан ортиқ ичимлик суви тармоғи тортиш учун 1 триллион сўм ажратилади.

Электр таъминотини яхшилаш долзарб эканини ҳаётнинг ўзи кўрсатмоқда. Шу боис, 5 минг 377 та маҳалладаги 15 минг километр электр узатиш тармоқлари ҳамда 4 мингдан ортиқ трансформаторни янгилаш белгиланмоқда. Бу юртимиздаги маҳаллаларнинг 60 фоизи демакдир. Ушбу чора-тадбирларга қарийб 2 триллион 100 миллиард сўм йўналтирилиши айтилди.

ДАВОМИ 2-САҲИФАДА >>>

Ўзбекистон Республикаси  
Президентининг  
ФАРМОНИ

## АҲОЛИ ВА ТАДБИРКОРЛИК СУБЪЕКТЛАРИГА ДАВЛАТ ХИЗМАТЛАРИДАН ФОЙДАЛАНИШДА ЯНАДА ҚУЛАЙ ШАРОИТЛАР ЯРАТИШ, БУ БОРАДА БЮРОКРАТИК ТЎСИҚЛАРНИ ҚИСКАРТИРИШ БЎЙИЧА ҚЎШИМЧА ЧОРА-ТАДБИРЛАР ТЎҒРИСИДА

Сўнги йилларда аҳолига давлат хизматлари кўрсатиш тизими ислоҳ қилиниб, ишбилармонлик муҳитини тубдан яхшилаш, ортиқча бюрократик тўсиқларни бартараф этиш борасида изчил чора-тадбирлар амалга оширилмоқда.

Жумладан, айрим турдаги лицензия ва рухсатномалар бекор қилинди, маъмурий тартиб-таомиллардан ўтиш муддатлари сезиларли равишда қисқартирилди, фуқароларнинг ўзини ўзи бошқариш органлари томонидан бериладиган бир қатор маълумотномалар бекор қилинди.

Шу билан бирга, давлат органлари, маҳаллий ижро этувчи ҳокимият органлари ва бошқа давлат ташкилотларида эскирган бюрократик тартиблар, шу жумладан электрон тизим орқали олиш имконияти мавжуд бўлган маълумотларни қоғоз кўринишида сўраб олиш, иш фаолиятини ташкил этиш учун муҳим бўлмаган ҳужжатларни талаб қилиш натижасида аҳоли ва тадбиркорлик субъектларини овора қилиш амалиёти сақланиб қолмоқда.

2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини “Ёшларни қўллаб-қувватлаш ва аҳоли саломатлигини мустаҳкамлаш йили” да амалга оширишга оид давлат дастурида белгиланган вазифалар ижросини таъминлаш ва давлат хизматларини кўрсатишда бюрократизм, сансалорлик ва бошқа маъмурий тўсиқларни бартараф этиш, эскирган, замон талабларига мос келмайдиган тартиб-таомилларни тубдан қисқартириш мақсадида:

1. 2021 йил 1 июндан бошлаб шундай тартиб ўрнатилсинки, унга мувофиқ:

фуқароларнинг доимий (вақтинча) рўйхатдан ўтган жойидан қатъи назар фуқаролик ҳолати далолатномаларини қайд этиш, никоҳланувчи шахсларни тиббий кўрикдан ўтказиш ва хорижга чиқиш биометрик паспортини расмийлаштириш экстерриториал тамойил асосида амалга оширилади; нотариал ҳаракатларни амалга оширишда фуқаролик ҳолати далолатнома ёзувлари билан боғлиқ барча маълумотлар нотариал идоралар томонидан мустақил равишда, фуқаролардан ортиқча маълумот талаб қилмасдан, “ФХДЭнинг ягона электрон архиви” ахборот тизими орқали олинади; тадбиркорлик субъекти бўлган юридик шахсларга давлат хизматларидан фойдаланиш учун белгиланган йиғим ва давлат божи тўловларини тўлашда уларнинг вакили томонидан нақд пул шаклида тўловни амалга оширишга рухсат берилади;

хорижий тижорат ташкилотларининг Ўзбекистон Республикаси ҳудудидаги ваколатхона ходимини аккредитация қилишда унда одамнинг иммунитет танқислиги вируси касаллиги йўқлиги тўғрисидаги сертификатни талаб қилиш амалиёти бекор қилинади;

ДАВОМИ 2-САҲИФАДА >>>



### Таҳлил

## ҲУЖЖАТ БИЛАН БЮРОКРАТИЯНИНГ ИЛДИЗИГА ЯНА БИР БОР БОЛТА УРИЛДИ

23 март куни давлатимиз раҳбари “Аҳоли ва тадбиркорлик субъектларига давлат хизматларидан фойдаланишда янада қулай шароитлар яратиш, бу борада бюрократик тўсиқларни қисқартириш бўйича қўшимча чора-тадбирлар тўғрисида”ги фармонни имзолади.

Хўш, ушбу фармон нимаси билан аҳамиятли, унда нималар назарда тутилган?

Энг аввало бир ҳақиқатни қайд этиш жоизки, фармондаги бюрократик тўсиқларни қисқартириш ибораси бежиз қўлланилмаган. Мазкур ҳужжат давлат хизматларидан фойдаланишда янада қулай шароит яратиш билан бир қаторда, шу пайтгача ҳамма мушкулот туғдирган бюрократиянинг илдизига яна бир бор болта уради.

Сўнги йилларда айрим турдаги рухсатномалар ва лицензиялар бекор қилинди. Маъмурий тартиб-таомиллардан ўтиш муддатлари анча қисқартирилди. Маҳаллалардан бериладиган 28 турдаги ҳужжатлар бекор қилинди. Ушбу ҳужжатларни давлат органи томонидан талаб қилиш амалиёти тугатилди. Авваллари давлат органи томонидан 69 турдаги хизматни кўрсатишда ушбу маълумотномалар фуқаролар

томонидан тақдим этилар эди. Фақатгина 2019 йилнинг ўзида 40 миллиондан ортиқ ана шундай маълумотномалар берилган бўлса, 2020 йилда бу тахлит қоғозбозликнинг буткул олди олинди. Ҳозирда амалий аҳамиятга эга бўлмаган 11 та идоралараро коллежал органлар тугатилди. Давлат хизматлари марказлари орқали кўрсатилаётган хизматлар сони жорий йилда 20 тага ортиб жами 150 тани ташкил қилди. 2017 йилда фақатгина тадбиркорларга 170 мингдан ортиқ хизмат кўрсатилган бўлса, 2020 йилда 204 та давлат хизматлари маркази томонидан жисмоний ва юридик шахсларга 8 миллиондан зиёд давлат хизмати кўрсатилди.

ДАВОМИ 2-САҲИФАДА >>>

## 962 та чигит экиш сеялкалари мавсумга шай

“Ўзгроинспекция”нинг Самарқанд вилояти бошқармаси томонидан Ўзбекистон Республикаси Вазирлар Маҳкамасининг 2021 йил 4 мартдаги “Мавжуд ер майдонларидан самарали фойдаланиш ва 2021 йил ҳосили учун қишлоқ хўжалиги экинларини оқилона жойлаштириш тўғрисида”ги қарори ижросини ўз вақтида ва сифатли таъминлаш юзасидан мониторинг-таҳлил тадбирлари ўтказилмоқда.

Ўтказилаётган назорат тадбирлари давомида белгиланган режа асосида, қишлоқ хўжалиги экинлари жойлаштирилиши, ер ресурсларидан умумий фойдаланиш масалаларига алоҳида эътибор қаратилмоқда. Жорий йил ҳосили учун 75 минг 356 гектар майдонга пахтанинг иқлим шароитига мос, эртапишар ва ҳосилдор навлари экилиши режалаштирилган.

– Чигит экиш мавсумини об-ҳавонинг қулай кунларидан фойдаланган ҳолда, қисқа муддатларда ва сифатли ўтказиш юзасидан ҳар бир туман кесимида тавсиялар ишлаб чиқилиб, кластер корхоналари, фермерларга

тарқатилди, – дейди инспекциянинг Самарқанд вилояти бошқармаси бошлиғи Нурмамад Турсунов. – Унга кўра, мавжуд агротехник тадбирларни ҳудудлар келим шароитидан келиб чиққан ҳолда амалга ошириш, чигит навларини жойлаштириш юзасидан амалий кўмак берилмоқда. Чигит экиш даврида тупроқнинг намлиги 70 фоиздан кам бўлмаслиги керак. Бунда чигитни тупроқнинг табиий намига ундириб олишга эришилади. Бунинг учун эрта баҳорда нам тўплаш тадбирларини ўз вақтида ва сифатли амалга ошириш талаб этилади.

ДАВОМИ 3-САҲИФАДА >>>

## АНИҚ ТАШХИС – САМАРАЛИ ДАВО



Замонавий лабораторияда 200 турдаги таҳлилни ўтказиш имкониятига эга ROCHE COBAS русумли автомат биокимёвий иммуноанализатор ўрнатилган. Автомат анализатор орқали 100 га яқин турдаги аллергик омилларни тез ва ишончли

аниқлаш имкони мавжуд. Бу аллергик касалга чалинган беморларнинг пойтахтга боришига чек қўйиб, уларнинг қимматли вақти ва маблағини тежаш имконини беради. Шунингдек, лабораторияда ўрнатилган юқори технологияли тезкор MINDRAY 5800 гематологик анализатори қон таркибидagi 28 тур параметрдаги коагуляцион кўрсаткичларни, SYSMEX CA660 автомат анализатори ўсма касалликларни ҳамда қон таркибидagi микробларни тезкор ва сифатли аниқлаб беришга кўмаклашади. Лаборатория-диагностика марказида пешоб таҳлиллари ва бактериологик, микробиологик текширувлар ўтказиш учун ҳам барча шароит яратилган.

Ҳозирги кунда лаборатория-диагностика марказида 80 га яқин ходим фаолият юритмоқда. Марказининг Қумқўрғон ва Шеробод туманларида ҳам филиаллари мавжуд.

Жонибек ҚЎЗИМУРДОВ (ЎЗА) олган сурат.

### СУРХОНДАРЁ ВИЛОЯТИ

Термиз шаҳрида Туркия давлатининг “Kanimed Healthcare” компанияси томонидан юқори технологияли тиббий жиҳозлар билан таъминланган лаборатория фаолияти йўлга қўйилган.



“Гулистон сити” мажмуаси қурилиши бошланди

Нуфузли университетдан нуфузли корхоналарга

## 962 та чигит экиш сеялкалари мавсумга шай

(Боши 1-саҳифада)

Эрта баҳорда ва чигит экиш олдида ерни бо- роналаб, тупроқ юзасидаги кесакларни майдалаш, қатқалоқни юмшатиш, тупроқ намлигини узоқ вақт сақлаб туриш билан бирга бегона ўт босган май- донлардаги кўп йиллик ўтлар илдиэлари даладан чиқарилади. Бороналаш муддатларини белги- лашда кузги-қишки ёғингарчилик миқдорларини ҳам эътиборга олган ҳолда, ёғингарчилик кам бўлган йиллари феврал ойининг иккинчи ярмида, кўп бўлган йиллари эса март ойининг биринчи ярмида ўтказиш мақсадга мувофиқдир. Экиш олди ишлари ва чигит экиш мавсумини туманлар ва вилоят бўйича қисқа (8-10 кун) муддатда, сифатли ўтказиш чоралари кўриломоқда. Ушбу тадбир кеч муддатларда ўтказилганида тупроқнинг намлиги 35-40 фоизга йўқотилиши ҳисобига тупроқнинг механик таркиби, донадорлигига ва намни сақлаш қобилиятига салбий таъсир этади.

Шунингдек, чигит экиш жараёнида гектарига ўртача 45 килограммдан талаб этиладиган жами 4 минг 980 тонна уруғлик, 60 уруғлик тарқатиш шаҳобчаси захираси яратилди. Чигит экиш пайтида ҳар гектар ерга 150 килограммдан фосфорли, 50 килограммдан калийли ўғит қўшиб экилиши юзасидан кечиктириб бўлмайдиган вазифалар белгиланди.

Чигит экиш сеялкалари ва қишлоқ хўжалиги техникаларининг техник ҳолати доимий назоратга олинган. Мавсумда 962 та чигит экиш сеялкалари қатнашиши режалаштирилган бўлиб, улар шай ҳолатга келтирилган. Сеялкаларни мавсумга ҳозир- лаш юзасидан кунлик мониторинг-таҳлил тадбирлари ўтказилди. Уларнинг барчаси тегишли тартибда мувофиқлик сертификати билан таъминланди. Чигит экиш мавсумида қатнашадиган қишлоқ хў- жалиги техникаларининг техник ҳолати ишчи гуруҳ томонидан мунтазам таҳлил этиб борилмоқда.

### “Ўзагроинспекция”нинг Самарқанд вилояти бошқармаси ахборот хизмати



## “Ўзбекино” янги кино кунларига старт берди

“Ўзбекино” Миллий агентлиги томонидан “Ўзбекфильм” студиясида “Янги Ўзбекистон ва миллий кинематография” шиори остида Наврўз байрамига бағишланган тантанали кеча бўлиб ўтди.



Унда янги кино кунларига старт берилди. Эъ- лон қилинган кино кунлари давомида Зулфиқор Мусоқовнинг “Ҳайрат” ва Фотиҳ Жалоловнинг “Муқими” бадиий фильмларининг премьералари, “Абдулла Орипов” ва “Бастакор” ҳужжатли фильм- лари намойиши, ижодий учрашувлар, юбилей маросимлари, давра суҳбатлари, аёллар медиа клуби муҳокамалари, ёшлар киноижодкорлари учун маҳорат дарслари, питчинглар ва “Зумра- ша” киножурналининг янги сонлари намойиши бўлиб ўтди. Шу билан бирга Жиззах, Бухоро ва Самарқанд вилоятларига “Кинокарвон” йўл олди. Лойиҳа давомида ўзбек киноси юлдузлари иштиро- кида жойларда ижодий учрашувлар, премьералар ўтказилиши режалаштирилган.

Бўлиб ўтган байрамона кечада сумалак сайли ташкил этилиб, ўндан ортик эстрадамиз юлдузлари ижросида гала-концерт, кўнгилочар дастурлар тақ- дим этилди. Тадбирда ўзбек киноси ижодкорлари, актёр ва актрисалар, ижодий гуруҳлар, санъат ва маданият соҳаси вакиллари иштирок этди.

“Ўзбекино” МА Ахборот хизмати

### Эълон

Миро Улугбек сановат касб-ҳунар коллежи томонидан Ражаббоева Нафиса Қудрат қизи номига 2017 йилда берилган К 4887787 рақамли (рўйхат рақами-932) дипломи йўқолганлиги сабабли бекор қилинди.

Жорий йилда вилоятда ялпи ҳудудий маҳсулот ҳажмини 13 трлн. сўмга, хизмат кўрсатиш ҳажмини қарийб 3,5 трлн. сўмга етказиш, саноат маҳсулотлари ишлаб чиқариш 102,1 фоиз адо этишдек катта марралар белгиланган. Энг характерлиси, маҳсулотлар экспортини 189,5 миллион долларга етказиш кўзда тутилган.



СИРДАРЁ ВИЛОЯТИ

Ислохот обдиллари

# Янги лойиҳалар – Янги иш ўринлари

Озиқ-овқат саноати йўналиши- да 151 млрд. сўмлик инвестиция- лар ўзлаштирилиши ҳисобига 3 минг тонна сутни қайта ишлаш қувватлари ишга туширилади ва бу йўналишларда 1000 та янги иш ўрни яратилади.

Энг эътиборлиси, Гулистон шаҳрида барча қулайликларга эга бўлган замонавий “Гулистон сити” мажмуаси қурилиши бош- лаб юборилди.

Вилоятни ижтимоий-иқтисодий ривожлантириш юзасидан ўтказилган тақдиротда бир қатор янги лойиҳалар амалга оширили- ши белгилаб олиндики, бу воҳа- нинг саноатлашган, қурилиши ривожланган вилоятлар қато- ридан мустақкам жой олишига хизмат қилади. Бинобарин, Мир- заобод туманида Гужарат саноат зонаси ташкил этилиб, бу ерда томчилатиб сўғориш ва иссиқчо- на жиҳозлари, қишлоқ хўжалик техникалари учун агрегатлар ва мини техникалар, пластмасса буюмлар, трикотаж, озиқ-овқат маҳсулотлари ишлаб чиқрадиган 8 та замонавий корхона барпо этилади. Мазкур корхоналарда

1 минг 600 та янги иш ўринлари яратилади ва ушбу корхоналар томонидан йилига 25 минг дол- ларлик маҳсулотлар экспорт қи- линади.

Қувонарли жиҳати, саноат зонаси учун ҳозирда 40 гектар майдон ажратиб берилди. Янги, замонавий корхоналарни барпо қилишга 100 миллион доллар тўғридан-тўғри инвестиция жалб этилади. Саноат зонасидаги кор- хоналар 2021-2023 йилларда бир- ин-кетин ишга туширилади.

Жорий йилда вилоятда 200 минг тонна пахта етиштирилади. Хусусан, 2020 йилда вилоятда хомашёдан трикотаж олиш 70 фоиз, кийим-кечак ишлаб чиқа- риш 75 фоиз бўлган бўлса бу йил трикотаж ва кийим-кечаклар ишлаб чиқариш 100 фоизга ет- казилади.

Тўқимачилик соҳасида 29 та лойиҳа амалга оширилиши са- марасида 818 миллиард сўмлик ишлаб чиқариш қуввати ташкил этилиб, уларда 6 минг 600 та янги иш ўринлари очилади.

Қурилиш санотида 16 та лойиҳа режага киритилган. Ана

шу лойиҳалар рўёбга чиқари- лиши эвазига Янгиер шаҳрида кафел, Сайхунобод туманида газоблок, Ховос туманида гип- сакартон ишлаб чиқариш кенг йўлга қўйилади.

Мева-сабзавотни қайта ишлаш, мош етиштиришни янада кўпайтириш натижасида қишлоқ хўжалик маҳсулотлари экспорти ҳажми кескин ўсади, йирик балиқ- чилик кластери ташкил қилинади. Бу йўналишлардаги 51 та лойиҳа рўёби ҳисобига мазкур соҳалар- да ҳам 3500 та янги иш ўринлари барпо қилинади.

Саноат, қурилиш, хизмат кўр- сатиш соҳасидаги янги лойи- ҳаларнинг фақат шаҳарларда эмас, балки туманлар ва чек- ка ҳудудларда ўзлаштирили- ши одамлар турмуш тарзининг тубдан ўзгаришига, қишлоқлар шаҳарлар билан тенглашадиган обод манзилларга айланишига олиб келади. Лўнда қилиб айт- ганда, янги лойиҳалар сирдарё- ликлар учун янги иш ўринлари яратади.

Бозорбой БЕКМУРОДОВ, “Qishloq hayoti” муҳбири.

## Биз ҳам улар сафига қўшиламыз

Жанубий Кореянинг Аджу университетида 1973 йилда асос солинган бўлиб, дунёдаги энг нуфузли ОТМлардан бири деб тан олинган. У ерда 14 мингдан зиёд талаба ўқийди. Мазкур таълим даргоҳи ўзининг инновацион халқаро дастурлари ва хорижий талабаларни қўллаб- қувватлаб келаётгани учун бутун жаҳонда эътирофга сазовор бўлган.



Аджу сайёрамининг 58 та мамлакатдаги 200 дан ортик университетлар билан ҳамкорлик қилиб келади ва техника, тиббиёт ҳамда ахборот технологиялари йўналишларига чуқур ихтисослаштирилган. Мазкур университетнинг Тошкент шаҳар филиали фаолият бошлаганига ҳеч қанча вақт бўлгани йўқ.

Яқинда “Artel electronics” компанияси ҳамда универси- тетимиз ўртасида англашув меморандуми имзоланди. Шу муносабат билан бўлиб ўтган тадбирда “Artel” корхоналар гуруҳи бошқаруви раиси Қобил Тошмухаммедов, бош коор- динатор ўринбосари Уктам Аблақулов, университет ректори Ғайрат Муратов, биринчи проректор Лим Джей Ик ҳамда университет ўқитувчилари ва талабалар иштирок этди. Шу- нингдек, компания университетимиз билан фан, техника ва технологиялари ютуқларидан фойдаланган ҳолда кадрлар тайёрлашнинг муқаммал тизими асосида ишлайди. Бундан ташқари, олий маълумотли мутахассислар тайёрлашда электротехника ва маиший техника тармоқларининг ишти- рокини янада кенгайтириш мақсад қилинмоқда. Маълумки, университетимиз малакали инженерларни етиштириб чиқа- ришда етакчилик қилади.

Қолаверса, меморандум доирасида университетнинг те- гишли таълим йўналишлари бўйича талабаларни 2-курсдан бошлаб “Artel” корхоналар гуруҳининг муайян ташкилотлари ва корхоналарида малакавий амалиётлари тизимли равишда ўтказилиши ҳамда битирувчиларни ишга жойлаштириш ва келгусидаги ижтимоий-ҳуқуқий ҳимояси қафолатлари бўйича аниқ чора-тадбирлар белгилаб олинди.

Ушбу ҳамкорлик асосида бу ерда ўқитишнинг замонавий шакллари ва методларини, компьютер ва ахборот-коммуни- кация технологияларини ва ишлаб чиқариш жараёнларини симуляция қилувчи дастурларни восита сифатида қўллаш таълим жараёнига кенг қўламда жорий этилади.

Бундан ташқари, таълим, илм-фан ва ишлаб чиқариш ўртасидаги интеграцияни чуқурлаштириш учун ҳамкорлик- да илмий мақолалар тайёрлаш ва уларни нашр қилиш, конференциялар, симпозиумлар, семинарлар ва бошқа тадбирларни ўтказишга келишиб олинди.

Бугун компанияда замонавий техникаларнинг юқори ма- лакали мутахассислар томонидан бошқарилаётгани бизни қувонтиради. Ўйлаймизки, тез орада биз ҳам улар сафига қўшиламыз.

Мадаминбек ЎРОҚБОВЕ, Жанубий Кореянинг Аджу университети Тошкент шаҳар филиали талабаси.

### Реклама

**ИПОТЕКА BANK**

ХАРАЖАТЛАРИНГИЗ УЧУН МАБЛАҒ ЗАРУРМИ?

Ипотека-банк сизга 1 йил муддатга, 50 млн. сўмгача микроқарз тақдим этади.

Микроқарз олиш учун филиалларимизга ва банк хизматлари марказларига учрашингиз мумкин.

Қўшимча маълумотларни Contact center`нинг 1233 қисқа рақами ёки 78-150-11-22 рақами орқали олишингиз мумкин.

www.ipotekabank.uz

Хизматлар лицензияланган

### ЖИЗЗАХ ВИЛОЯТИ

“Ёшлар дафтари”га киритилган 22 нафар ёшга “Чорвачилик” йўналишида кредитлар тақдим этилди

Зомин туманида мутасаддилар томонидан “Ёшлар дафтари”га киритилган ёшлар билан манзилли ишлаш тизимли йўлга қўйилган бўлиб, уларга банк кредитлари ажратиш орқали бандлиги таъминланмоқда, шахсий даромадлари оширилмоқда.

Хусусан, “Ёшлар дафтари”га киритилган 22 нафар ёшларга туман банк филиаллари томонидан имтиёзли чорва кредитлари тақдим этилди.

Халқбанки, Агробанк, Микрокредитбанкнинг туман филиаллари томонидан тақдим этилган кредитлар эвазига ёшлар Қозғоғистон Республикасида келтирилган насли, 5 бошдан болали қўйлар харид қилишди.

Ушбу амалий ишлар натижасида, бир томондан ёшлар бандлиги таъминланиб, даромадлари оширилса, иккинчи томондан чорва моллари наслини яхшилаш асосида сифатли гўшт ва гўшт маҳсулотлари етиштиришга эришилади.

Зомин тумани ҳокимлиги Ахборот хизмати

Уни юзлаб ҳамқишлоқлари ўз оналаридек эъзозлашади

СИРДАРЁ ВИЛОЯТИ

Сайхунобод туманидаги Ғалаба қишлоғида яшовчи Роҳатой опа Назаровани нафақат туманда балки вилоятда ҳам яхши танийдилар. Опа ўрта мактабни битиргач, Гулистон шаҳридаги мактабгача таълим педагогика билим юртида таҳсил олиб, аввалига туман марказидаги болалар боғчасида, сўнгра 40 йил ўзининг жонажон қишлоғидаги “Райҳон” номли болалар боғчасида тарбиячи бўлиб ишлади. Шунинг учун бўлса керак, юзлаб ҳамқишлоқлари опани ўз оналаридек эъзозлаб, алоҳида ҳурмат кўрсадилар.



Оила меҳнати — оила баракаси

Марҳум турмуш ўртоғи Ширинбой ака Дўстназаров билан 5 нафар фарзандни оқ ювиб, оқ тараб, ўқимишли, эл хизматиға камарбаста инсонлар этиб тарбиялади. Роҳатой опа нафақага чиққанидан сўнг ҳам жамоа хўжалигидан 6 гектар ер олиб, оилавий пудрат асосида тер тўкиб, меҳнат қилди. 2005 йили яна 7 гектар ер олиб “Роҳатой Назарова” фермер хўжалигини ташкил этди. Деҳқончилик йўл-йўриқларини пухта ўрганиб олган опа кейинчалик 60 гектар ерни тендерда ютиб олиб, янада астойдил меҳнат қила бошлади. Қишнинг совуғи, ёзнинг жазирама кунлари ҳам асл деҳқоннинг иродасини бука олмади. Фермер хўжалиги жамоаси бир тану бир жон бўлиб, давлатга галла сотиш шартномавий режасини 110 фоизга, пахта сотиш режасини эса 104 фоизга бажаришға эришдилар.

тимизга Аллоҳ барокот бериб, рўзгоримиз бут, дастурхонимиз обод бўлди. Маҳалла-куйда иззат-ҳурмат топиб, кўпчилиққа ибрат бўлди.  
Опа бизларни ҳовлиси этагида жойлашган фермасиға бошлади. Эҳҳе! Катақлардаги сон-саноксиз қурка, товуклар, боқувдаги думбасини кўтаролмай ётган ўнлаб кўчқорлар, 80 дан зиёд елинлари сутта тўл сигирлар, юки оғирлик қилиб зўрға турган новвослар, қолаверса, отлар уюрини кўриб, ҳайратимизни яшира олмадик: опа, бу чорвангизнинг ўзи 2 миллиард сўмдан ортиққу, дейман ўзимча баҳолаган бўлиб.  
— Қайдам, ҳеч ҳам ҳисобламабмиз, — дейди опа камтарлик билан. — Ҳаммаси фарзандларим ва набираларим меҳнатларининг самараси бу!..  
Роҳатой опанинг ҳовлисидаги боғни кезиб, дилингиз яйрайди. Бу ердаги 300 дан зиёд мевали дарахтлар Назаровлар оиласининг ҳақиқий миришкор боғбон эканлигидан далолат беради. Опа эринмасдан томорқа-

сида мевали дарахтлар кўчатини етиштириб, маҳалладошларига, таниш-билишларига текинға тарқатади. Уларнинг ҳам ҳовлисида ўзиники каби боғлари бўлишини истаиди. Олтмиш етти баҳорни қаршилаган Роҳатой опа жамоат ишларида ҳам ҳамшиша фаол. Халқ депутатлари Сайхунобод тумани Кенгашининг депутати сифатида ҳам ибратли ишларни амалға ошириб келмоқда. Бунинг ўзи алоҳида бир мавзудир. Опа ёрдамға муҳтож қийналиб қолган маҳалладошларига ҳам ёрдам қўлини чўзиб келади. Ўтган йили Сардоба сув омбори ўпирилиши натижасида кўмакка муҳтож бўлиб қолган оилалардан ҳам моддий ёрдамини аямади. Ҳозирда Роҳатой опа 11 нафар набирасининг дуоғуй маслаҳатчиси, сеvimли бувижониси. У фарзандлари ва набираларининг камолини тилаб, кўнглида ҳамшиша шукроналик ҳиссини туяди, қалби оройиш топади. Бир онанинг бахти бўлса, шунчалик бўлар-да?..  
Шухрат СУЯРОВ

Реклама

“ЗАМОНАВИЙ КУЛТИВАТОР” ЛАР ЎЗБЕКИСТОНДА  
Далварзин таъмирлаш заводида ишлаб чиқарилган

**АФЗАЛЛИГИ:**  
▶ 3 нуқтаға тақилади.  
▶ Қатор оралиғи 60 см.дан 90 см.

**ОРГАНЛАРНИ:**  
▶ Чуқурлиғи, ерга ботиш кучи,  
▶ ўсимликдан қочириш тез амалға оширилади.

**БИРВАҚТДА:**  
▶ Култивациялаш;  
▶ Суюқлик пуркаш;  
▶ Минерал ўғит солиш;  
▶ Чуқур юмшатиш ишларини бажаради.

Маҳсулот сертификатланган

Мурожаат учун тел.: (93) 549-15-15, (98) 121-18-07. E-mail: gazgtz@mail.ru

Қутлов

Чап қирғоқ Амударё ирригация тизимлари ҳавза бошқармаси жамоаси

юртдошларимизни, шу жумладан, республикамиз қишлоқ ва сув хўжалиги тизимларида астойдил меҳнат қилаётган барча ҳамкасбларини

Наврўз умумхалқ байрами билан самимий қутлайди.

Юртимиз ободлиғи йўлида бор куч-ғайрати ва билимини ишға солаётган ҳамюртларимизға сиҳат-саломатлик, оилавий бахт ҳамда меҳнат фаолиятида улкан зафарлар тилайди.

Автомагистраль ИАЙҚТБ жамоаси

юртдошларимизни янгилашиш, яшариш айёми —

Наврўзи олам билан қизғин табриклайди. Ушбу қутлуғ кунларда барча-барчаға энг эзгу тилақларини йўллайди. Илоҳим, мамлакатимиздаги тинчлик, ободлик, файзу барака, ҳамюртларимиз орасидаги ўзаро меҳр-оқибат туйғулари абадий бўлсин! Яна бир бор шарқона янги йил билан!

QISHLOQ HAYOTI

МУАССИСЛАР: Ўзбекистон Республикаси Вазирлар Маҳкамаси таркибидаги ҳамда бошқа дахлдор вазирилик ва идоралар.

Бош муҳаррир: Чори ЛАТИПОВ

Таҳрир ҳайъати:

Жамшид ХЎЖАЕВ, Шавкат ҲАМРОЕВ, Шухрат ТЕШАЕВ, Муҳаммаджон ТОШБОЛТАЕВ, Ақтам ХАЙТОВ, Ботир СУЛАЙМОНОВ, Маҳмуд ТОИР, Ҳабиб ТЕМИРОВ (бош муҳаррир ўринбосари), Раимқул СУЯРОВ (бош муҳаррир ўринбосари).

Саҳифаловчи-дизайнер: Маркс ЮСУПОВ

Ўзбекистон Матбуот ва ахборот агентлиги томонидан 2009 йил 13 февралда № 0020-рақам билан рўйхатдан ўтказилган. Ҳажми 2 босма табоқ. Офсет усулида босилди, қоғоз бичими А-2. НАШР ИНДЕКСИ – 144. Буюртма Г-347. 3 562 нусхада чоп этилди.

Манзилимиз: 100000, Тошкент, Матбуотчилар кўчаси, 32-уй. Телефонлар: Қабулхона – 236-26-50. Аграр масалалар бўлими – 236-26-47. Хатлар ва жамоатчилик билан алоқалар бўлими – 233-76-78. Факс – 233-44-43, 233-09-93. Реклама ва эълонлар – 236-26-50, 233-28-04. e-mail: info@qishloqhayoti.uz Баҳоси келишилган нарҳда.

Газета “Шарқ” нашриёт-матбаа акциядорлик компанияси босмаҳонасида босилди. Манзили: “Буюк Турон” кўчаси, 41-уй. 1 2 3 4 5 6



Босишға топшириш вақти: 21.00 Босишға топширилди: 23.30